



Las tariffas en ils ospitals da la Svizra èn memia autas cumpareglià cun la qualidad dal tractament.

LQ

# Spitals en Svizra – chars e mo mediochers

Il survegliader da pretschs fa il conglual cun l'exteriur

■ (anr/vi) Las tariffas en ils spitals èn memia autas cumpareglià cun la qualidad dal tractament. Il survegliader da pretschs ha cumpareglià ils spitals svizzers cun l'exteriur e pretenda uss ina relaziun pli raschunavla tranter pretsch e prestaziun. Ier ha il survegliader da pretschs *Stefan Meierhans* preschentà ses rapport. Quel sa basa sin datas da l'OECD che ha per exempel erui ratas da mortalitad tar pazients sur 45 onns ch'èn ids pervi d'in infarct dal cor en spital e ch'èn morts entaifer 30 dis. Ina bassa rata da mortalitad pleda per ina buna qualidad da tractament. En il 2013 sa chattava la Svizra en quel regard mo sin in plaz mediocher. Betg meglier vesi ora tar autras malsognas u tar cumplaziuns suenter operaziuns.

## Equiliber tranter custs e qualidad

Auter tar ils custs da sanadad: Là stat la Svizra suenter ils Stadis Unids sin plaz dus appartegnent las expensas pro persuna. Tar ils custs da spital sa preschenta la situaziun pressapauc tutti-

na. Era la creschientscha dals custs da sanadad è en Svizra pli auta ch'èn l'exteriur.

«Las datas da l'OECD demussan autas expensas da sanadad en Svizra», scriva il survegliader da pretschs. Quai pleadia persuenter che la qualidad da tractament na stettia betg en ina relaziun directa cun ils custs da spital. Ils auts custs da sanadad na pon pia betg vegnir giustifitgads cun in'auta qualidad da tractament. U cun auters peds: «Las tariffas en ils spitals svizzers èn memia autas en cumparegliaziun cun la qualidad prestada.» I dovria en l'avegnir in meglier equiliber tranter custs e qualidad.

## Meglas datas davart la qualidad

Il survegliader da pretschs fa er attent a l'impurtanza da mesurar la qualidad. En Svizra existian plirs portals d'internet che pussibiliteschian cumparegliaziuns. Ils portals sa refereschian sin datas da l'Uffizi federal da sanadad u sin datas da l'unium per il svilup da qualidad en spitals. La gasetta da consuments «Saldo» ha

dentant examinà tals portals e fastizà ch'els na gidan betg bler sch'insatgi less s'infurmar: Betg tuts indicaturs en tuts spitals èn insumma registrads.

Il survegliader da pretschs concluda perquai ch'ins stoppia meglierar la relevaziun da datas davart la qualidad – er areguard la nizzaivladad e la chapibladad – per ch'ins possia cumparegliar meglier ils spitals.

## 40 francs per in ticket dad in franc

Il survegliader da pretschs s'occupa er adina puspè da summas pitschnas. En ses newsletter dad ier èsi descrit in cas dad in velocipedist che parchescha mintgamai ses velo a la staziun a Basilea e paja persuenter in franc per di. Ina giada ch'el aveva pers ses ticket aveva il post responsabel da la citad fatg pagar 40 francs per remplazzar il ticket. Il velocipedist ha fatg attent il survegliader da pretschs sin la chaussa e lez ha lura intervegnì. La citad è la finala stada pronta da sbassar la taxa sin 20 francs e da restituir il rest al velocipedist.